

891.85
U-40

4858

№ 6521

Հինգիս Սենկեհիշ

Snow



ՀԻՆԳԻՍ ՍԵՆԿԵՀԻՇ

ՏՓԽՒՄ

Տպարան Մ. Շարամեկի և Ընկ., Կոկ. 21

1898



891.85-3

Ա-40

Հեղինակ Սենկերից

Ար.



1669
1001

9



ՏՓԽԻՍ

Տպարան Ա. Շարամբէի և Ընկ., Կհկ. 21

1898

3768

Սիրելիք նիկողայոս եւ Մուշեղ.



Շարունակ մտածելով Զեր ապագայի
մասին, ես որոշեցի դարուս նշանաւոր
վիպազրող Հ. Սենկեմիշի այս զրոյցը՝ «Հե-
տեւե՞նք նրան», թարգմանել եւ նուիրել
Զեզ որպէս առաջնիդ հայր եւ երկրոր-
դիդ հօրեղբայր»:

Մեծ եւ շատ խրատական դաս է
թագնուած այդ զրոյցի մէջ։ Ցիննայի ու
Անտէայի կեանքը աչքի առաջ ունեցէք։

Նիւթական եւ մուաւոր հարստութեանց տուած
ամենատեսակ բարիքները դեռ ես շատ քիչ են
մարդուս երջանկացնելու համար։

Խսկական երջանկութեան ճանապարհը ցոյց
է տալիս Գողգոթայի նահատակը։

Սիրեցէ՛ք նրան։ Հետեւեցէ՛ք նրան։
Եւ միշտ երջանիկ կլինիք։


Այս է իմ՝ Զեզ աւանդած կտակը։

Յակոբ Ադամոս

25 փետրուարի 1898 թ.

Բագու

2011



Ա.



այսու Սենտիմոս Ցիննան չոռվ-
մէական ազնուական էր:
Նա իւր երիտասարդու-
թիւնն անց էր կացրել
լէգիոնների, զինուորական
խստակեաց կեանքի մէջ.
Իսկ յետոյ վերադարձաւ
չոռվմ, որպէս զի վայելէ
փառք, կեանք և իւր ահագին, թէև խանգարուած՝
կարողութիւնը: Նա միանգամից յարձակուեց ամեն
բանի վրայ և շուտով յազեցաւ այն ամենից, ինչ
որ կարող էր տալ յաւիտենական քաղաքը:

Թիշերներն անց էր կացնում խնջոքներում քարից գուրս դժոնուով հոյակապ այգեստաններում։ ցերեկները վարժւում էր զինամարտների մօտ, խօսակցւում էր հռետորների հետ, լինում էր բաղնիքներում, ուր զանազան հակածտութիւններ էին տեղի ունենում և ընդ սմին քաղաքի բարձր դասակարգի կեանքից բամբասանքներ էին հաղորդւում կրկէսներում և զլաղիատորների մրցանքներում, թրակացի վհուկների և Սրշիպելագոսի կողիններից եկած հրաշալի պարող կանանց միջեւ։

Հոչակաւոր Լուկուլոսը մօր կողմից նրա ազգական էր. և Ցիննան ժառանդել էր նրանից նրբաճաշակ խորտիկների սէրու։ Նրա սեղանին մատակարարւում էին յունական գինիք, Նիապուեան ոստրէր և Պոնտոսի գեր մարախ՝ մեղրի մէջ եփած։

Այն ամենը, ինչ որ կար Հոռվմում, Ցիննան էլ պէտք է ունենար՝ սկսած Կարմիր ծովի ձինեղինից մինչեւ Բորիսթէնի եղերքից բերած սպիտակ թաւուտ կաքանները։ Սակայն նա կեանքի բարիքները վայելում էր ոչ թէ որպէս ագահ զինուոր, այլ նրբաճաշակ պատրիկեանի նման։ Նա իւր վզին մի համոզմունք էր կապել, բայց գուցէ իրօք էր համոզուած էր, թէ սիրում է գեղարուեստի արգինքները, օրինակ՝ Կորնթոսի աւերակներից հանած արձաններ, Ատտիկէից բերած բանդակներ, Էտրուրիայի կամ մառախլապատ Մերակումի ծաղ-

կանօթներ, և առ հասարակ այն ամենայն բաները, որոնք լցնում են պատրիկեան կեանքի դատարկութիւնը։ Որպէս զիտակ և սիրող՝ այդ բաների մասին խօսում էր Ցիննան անատամ ծերերի հետ, որոնք սեղանին մօտենալուց առաջ իրանց ճաղատ գլուխները ծածկում են վարդեայ պսակով և խընջոյքից յետոյ ծամում են հելիոտրոպի ծաղիկներ, որպէս զի շնչառութիւնները անուշանոտ լինի։

Նա լաւ էր հասկանում Կիկերոնի պարքերութեանց գեղեցկութիւնը, Հորացիոսի կամ Ովիդիոսի ոտանաւորները։ Դաստիարակուած լինելով աթենացի Հոետորի մօտ, նա կարողանում էր անսայլաք խօսել յունարէն, Իլիականից անգիր զիտէր ամբողջ հատուածներ և զինու բաժակի առջև կարող էր երգել Անակրէոնի երգերից այնքան, մինչև բոլորովին հարբէր ու ընէր։ Իւր ուսուցչի և ուրիշ հոետորների չնորհիւ նա շփուել էր, և փիլիսոփայութեան հետ. և դրանից զիտէր այնքան, որ հասկանում էր երրհմն Էլլադայում ու զաղութներում կառուցուած զանազան չէնքերի իմաստը, բայց միննոյն ժամանակ այն էլ զիտէր, որ այժմ դրանք բոլորը աւերակներ են դարձած։

Անձամբ ճանաշում էր շատ ստոյիկների. դրանց չէր սիրում, որովհետեւ աւելի քաղաքական կուսակցութիւն էր համարում և մարդատեացներ, որոնք արհամարհում են կեանքի վայելքները։ Յաճախ նրան սեղանակից էին լինում սկեպտիկներ. իւրաքանչիւր

Խորտիկ վայելելուց յետոյ՝ մինչև նոր խորտիկը կը-
բերէին, նրանք կործանում էին փիլիսոփայական
սիստեմներ, և բարձրացնելով զինու բաժակները՝
տսում էին, թէ հաճովքը ունայնութիւն է, ճշմար-
տութիւնը՝ տնհասանելի և թէ իմաստունի նողա-
տակը կարող է լինել միայն մեռեալ հանգստու-
թիւնը:

Այդ ամենը Ցիննայի մի ականջով մտնում, միւ-
սովը գուրս էր գալիս, բայց հոգու խորքը չէր թա-
փանցում: Ո՞չ մի կարծիքի չէր հաւատում և չէր էլ
ուզում հաւատալ: Կատոնի անձնաւորութեան մէջ
տեսնում էր մեծագոյն հաստատակամութեան և յի-
մարութեան միաւորութիւն: Կեանքը նմանեցնում
էր ծովի, որի վրայ փշում են հողմերը՝ դէպի որ
կողմը կամենում են. և միակ իմաստութիւն այն
արուեստն էր համարում, որ մարդ իւր առագաստ-
ներն այնպէս բանայ, որ հոգմերը նրան գիւրու-
թեամբ առաջ շարժեն:

Բացի գրանից նա սիրում էր իւր լայն ուսե-
րը, առողջ ստամոքսը և իւր հոգմէական գեղեցիկ
գլուխը՝ արծուային քթով: Նա հաւատացած էր, որ
այդ ամենով կարելի է մի կերպ անցկացնել ամբողջ
կեանքը:

Թէև Ցիննան չէր պատկանում սկեպտիկեան
գլորոցին, բայց կեանքի մէջ սկեպտիկ էր և ընդ
դմին՝ գեղսնեան. գիտէր, որ հաճովքը երջանկութիւն
չէ. էպիկուրոսի իսկական վարդապետութեան հետ

ծանօթ չէր, բայց իրան էպիկուրեան էր համարում:
Առ հասարակ նա փիլիսոփայութեան վրայ նայում
էր որպէս մտաւոր զինամարզութեան վրայ, որ
նոյնպէս լաւ է, որպէս և զինամարզների սովորե-
ցրածը: Երբ խօսակցութիւնը ձանձրացնում էր նը-
րան, ապա գնում էր կրկէո՝ թափուող արեանը նա-
յելու:

Ո՞չ մի բանի չէր հաւատում, ոչ առարինու-
թեան, ոչ ճշմարտութեան և ոչ երջանկութեան. նա
հաւատում էր միայն գուշակութեան: Ունենալով
իւր նախապաշարմունքները, նա հետաքրքրութեամբ
էր նայում Արեելքի խորհրդաւոր կրօններին: Ստրուկ-
ների համար, կարելի է ասել, բարի էր, եթէ մի-
այն ժամանակաւոր տաղտկութիւնը նրան խստա-
սիրտ չէր գարձնում: Ցիննան կարծում էր, թէ
կեանքը զինու սափոր է և որքան ընտիր գինիով
լցնես, այնքան աւելի թանկացին կլինի. ուստի և
աշխատում էր իւր սափորը ամենաընտիր գինիով
լցնելու: Ո՞չ որի և ոչ մի բան չէր սիրում. բայց
հաւանում էր շատ բաներ, ի թիւս որոց իւր գլու-
խը և իւր գեղեցիկ պատրիկեան ոտները:

Իւր շուայտ կեանքի առաջին տարիներում նա
զարմացնում էր չոռվմը իւր տարօրինակութիւննե-
րով. վերջապէս այդ էլ նրան ձանձրացրեց. և նա
գարձաւ անտարբեր դէպի ամեն ինչ:



կան վասոք. շատ թէ քիչ ճահաշեց մարդկային մրտքի սահմանները, շփուեց արուեստի ու բանաստեղծութեան հետ։ Այդ պատճառով նա կարող էր գտել, թէ ստացել է կեանքից այն ամենը, ինչ որ նա կարող էր տալ։ Այն ինչ այժմ նա զգում էր, որ անտարբեր է գտնուել դէպի մի բան, դէպի մի արտակարգ կարենոր բան։ Բայց չգիտէր, թէ դա ինչ բան է. և զրա վրայ ի զուր զլուս էր կոտրում։ Յաճախ նա փորձ էր անում ձեռք բաշել այդ մտքերից, թօթափել իւր վրայից այդ անհանգստութիւնը, հաւատալ՝ թէ կեանքի մէջ այլ ևս մի բան չկայ, որ ինքը չիմանար և թէ չէր էլ կարող լինել։ Բայց նրա անհանգստութիւնը նուազելու տեղ անում էր մինչ այն աստիճան, որ նրան թւում էր, թէ ինքը անհանգիստ է ոչ միայն իւր անձի, այլ ամբողջ չոռվմի համար։ Միևնույն ժամանակ նա թէ նախանձում էր սկեպտիկներին և թէ նրանց յիմար էր համարում, որովհետեւ նրանք ապացուցանում էին, թէ ոչինչը կարելի է զեղեցիկ կերպով լցնել ոչինչով։ Կարծես նրա մէջ այժմ երկու անձն էին ամփոփում, որոնցից մէկը զարմանում էր իւր անհանգստութեան վրայ, իսկ միւսը ակամայ ընդունում էր, թէ դա հիմնաւոր է։

Իւր բոլոր կայրը վատնելից յետոյ՝ Ցիննան ամենակարող ազգակցական կապերի ու ազգեցութեանց չնորհիւ ստացաւ Ալէրսանդրիայի կառավարչի պաշտօնը։ Այդտեղ ուղարկեցին նրան մա-

Բ.



երջ ի վերջոյ նա աղքատացաւ։
Ցիննայի բոլոր կայրը պարտատէրերը
վերցրին, նրան բաժին թողնելով միայն
յոգնածութիւն, որ
վաստակում է ուժից
վեր աշխատութիւնից
յետոյ, չափազանց
կշտացած տրամադրութիւն և դարձեալ մի՛ բոլորովին անսպասելի բան, այնո՞ւ սարսափելի անհանգըստութիւն։ Խսկապէս նա վայելեց հարստութիւն, վայելեց սէր, ինչպէս հասկանում էր այն ժամանակուայ աշխարհը, վայելեց շքեղութիւն, զգինուորա-

սամբ այն հպատակով, որ նա այդ հարուստ երկրում նոր կարողութիւն ձեռք բերէ: Բայց Ցիննայի անհանգստութիւնը նրա հետ միասին նաև նստեց և ուղեկցեց նրան մինչեւ պաշտօնատեղին: Ցիննան կարծում էր, թէ Ալէքսանդրիայուժ չնորհիւ պաշտօնական պարտաւորութեանց, նոր մարդկանց, նոր աշխարհի ու նոր տպաւորութեանց կազմատուի ձանձրալի ուղեկցից: Բայց սխալուց: Անցաւ մի ամիս, անցան երկու ամիս, բայց ինչպէս Խոալիայից բերած Դիմետրայի հատիկը Դելտայի բեզմնաւոր հոգում աւելի շքեղ է աճում, այնպէս էլ նրա անհանգստութիւնը, որ փոքրիկ թուփ էր, աճեց, սաղարթախիտ ծառ դարձաւ և սկսեց հետզհետէ աւելի և աւելի մեծ ստուեր ձգել Ցիննայի հոգու վրայ:

Ցիննան փորձեց իւր անհանգստութիւնը խեղդել այնպիսի կեանրով, որպիսին անց էր կայնում չոսկմում, բայց անյաջող: Թէև Ալէքսանդրիան հոյակալ քաղաք է, ուր վխտում են յոյն գեղեցկուհիները՝ փայլուն մազերով և երեսի ընրոյշ գոյնով, երեսի, որ եզիպտական արկը ծածկում է սաթիթափանցիկ թխութեամբ, բայց այդ հելէնուհիների գրկումն էլ Ցիննան հանգիստ չգտաւ:

Երբ այդ աշխատութիւններն էլ ապարդիւն անցան, նա սկսեց ինքնասպանութեան մասին մտածել: Այստեղ նրա ծանօթներից շատերն են կեանքի հոգսերից: այդ ճանապարհով ազատուել, և այն էլ

աւելի չնշին պատճառներից գրդուած, քան իւրն էր: Ոմանք այդ ճանապարհն ընտրեցին ճանձրոյթից գրդուած, միւսները՝ ներքին գատարկութիւնից, երրորդները կեանքի բարիքները վայելելու ցանկութիւն շունենալուց: Եթէ ստրուկը կարողանուած է թուրը ձեռքին ամուր բռնել, ապա բաւական է և մի վայրկեանը:

Ցիննան այդ մտրի վրայ հաստատ կանգ առաւ և արդէն վճռել էր իրագործել, բայց մի օտարոտի երազ արգելը եղաւ: Նրան երկաց որ իրան անց են կացնում մի գետից. և գետի միւս ափին տեսաւ իւր անհանգստութիւնը՝ նուազած ստրկի կերպարանքով, դա խօնարհուեց Ցիննայի առջև ու ասաց. «Ես եկայ՝ քեզ դիմաւորելու»: Ցիննան վախեցաւ. նա հասկացաւ, որ եթէ անդրգերեզմանեան կեանքի մասին չէ կարող անվրդով մտածել, ապա ուրիմն մահից յետոյ էլ անհանգստութիւնից չի աղատուիլ:

Այդքան վատթար գասաւորուած հանգամանքների չնորհիւ նա վճռեց մօտենալ իմաստուններին, որոնցով վխտում էր Մերապէումը: Կարծում էր, թէ այնտեղ իւր հանելուկի վճիռը կդտնի. բայց իմաստունները չկարողացան հանելուկը լուծել: Միայն նրան «տու մոնիցիու» անուանեցին, մի տիտղոս, որ տալիս էին բարձրաստիճան հռովմայեցիներին: Սկզբում դա փոքր մխիթարութիւն էր, և

իմաստունի տիտղոսը՝ տրուած մի մարդու, որ չէր կարող պատասխանել, թէ ի՞նչն է իրեն զբաղեցնում, Յիննային հեզնութիւն կարող էր թուալ. սակայն նա գեռ մտածում էր, թէ զուցէ Թերապէումը միանգամից չէ իւր ամբողջ իմաստութիւնը բաց առում. և յոյսը չէր կտրում:

Ալէքսանդրիայի իմաստունների մէջ ամենագործունեան Աթենացի ազնիւ Տիմոնն էր. մի քանի տարի էր, որ նա ասլում էր Ալէքսանդրիայում, ուր եկել էր յատկապէս եղիսաբական խորհրդաւոր գլուխութիւնն ուսումնասիրելու: Նրա մասին ասում էին, թէ մատենագարանում մագաղաթ կամ սկալիրուս չկայ, որ կարգացած չլինի: Միով բանիւ, ինչպէս ասում էին, նա զիտէր մաքդկային ամբողջ իմաստութիւնը, ընդ սմին հեղ է և թափանցող: Բազմաթիւ իմաստակների և բժացած սւզելով կոմենտատորների միջև Յիննան միանգամից ընտրեց Տիմոնին և շուտով հետը ծանօթութիւնն հաստատեց. իսկ այդ ծանօթութիւնը քիչ ժամանակից յետոյ բարեկամութեան փոխուեց:

Երիտասարդ Հոռվմայեցին գարմանում էր այն պերճախօսութեան վրայ, որով ծերունին խօսում էր բարձրագոյն իրերի մասին, որոնք վերաբերում են մարդու կոչմանն ու աշխարհին: Առանձնապէս նրան զարմացնում էր այն հանգամանքը, որ Տիմոնի դատողութեան հետ խառն էր մի ինչ որ տրտմութիւն:

Վերջերում, երբ նրանք աւելի մտերմացան, Յիննան վճռեց հարցնել իմաստունին նրա տրտմութեան պատճառը և միևնույն ժամանակ նրա առջև բանալ իւր սիրտը:



կեանքիս առեղծուածը, ապա ուրեմն և ոչ ոք կարող է լուծել:

Տիմոնը երկար նայում էր իւր առջև տարածուած ջրային հայելուն, որի մէջ արտացոլում էր երկեղջիւր լուսինը. վերջապէս ասաց.

—Տեսէ՞լ ես արդեօր այն թռչուններին, որոնք ձմեռը հիւսիսից թռչում, այս կողմերն են գալիս. և գիտե՞ս արդեօր. թէ նրանք եգիպտոսում ինչ են որոնում:

—Գիտեմ. զերմութիւն և լոյս:

—Մարդկային հոգին ևս զերմութիւն է որոնում. այդ զերմութիւնը կայանում է սիրոյ մէջ: Իսկ լոյսը ճշմարտութիւնն է, ուրիշ ոչինչ: Բայց թռչունները գիտեն, թէ ուր են թռչում իրանց բարիքների համար. այն ինչ մեր հոգիքը թռչում են առանց ճանապարհ ճանաչելու, տխուր և անհանգիստ:

—Աղնիւ Տիմոն, ինչո՞ւ համար նրանք չեն կարողանում ճանապարհը գտնել:

—Առաջ մեր բոլոր հանգստութիւնը աստուածներիցն էր. իսկ այժմ զէպ աստուածներն եղած հաւատն սպառուել է, ինչպէս ձէթը՝ կանթեղի մէջ: Ճատերը կարծում էին, թէ փիլիսոփայութիւնը հոգիների համար ճշմարտութեան արեգակ կդաւնայ. իսկ այժմ, ինչպէս տեսնում ես, չոռվմում, Աթէնքում և այստեղ նրա փլատակների վրայ նստած են սկեպտիկներ, որոնք կարծում են, թէ աշխարհին



իննան ու Ճիմոնը, մի անգամ երեկոյեան, հոգու անդրգերեզմանական կեանքի մասին եղած աղմկալի վիճարանութիւնից յիտոյ, նստել էին մի բարձրաւանդակի վրայ, որի առջև տարածւում էր ծովը: Յիննան բռնեց ծերունու ձեռքը և պատմեց նրան, թէ ինչն է իւր կեանքի թախիծը և թէ ինչո՞ւ ինքը ցանկացաւ մերձենալ Սերապէումի գիտուններին ու փիլիսոփաներին:

—Գոնէ, ասաց նա, ես ի զուր չկորցրի ժամանակս, և այն շահեցայ, որ քեզ հետ մտերմացայ. այժմ ես համոզուած եմ, որ եթէ դու չեղծանես



հանգստութիւն են տալիս, բայց իրօք հակառակն է լինում։ Հոյսից և զերձութիւնից հեռանալ՝ կնշանակէ հոգին խաւարի մէջ թողնել. իսկ խաւարը անհանգստութիւնն է։ Եւ այսպէս ձեռները տարածած՝ մենք խարխափում ենք խաւարի մէջ և ելք ենք որոնում։

— Միթէ դժու էլ չես գտել այդ ելքը։

— Դժբախտաբար չեմ գտել. դու զուարճութիւնների մէջ որոնեցիր այն, իսկ ես մտածողութեան. բայց և այնպէս մեզ երկուսիս էլ խաւարն է պատում։ Բաց ասեմ, միայն դժու չես տանջուում. այլ բեղանում տանջուում է և աշխարհի ոգին։ Ճատ ժամանակ է արդեօք, որ աստուածներին չես հաւատում։

— Հոգիմում ամենքն են աստուածնեղին յարգում. նրանց բերում են Ասիայից ու Եղիպտոսից. բայց անկեղծօրէն հաւատում են միայն բանջարավաճառները, որոնք առաւտները բաղաք են գալիս։

— Եւ նրանք միայն հանգիստ են ապրում։

— Այդպէս էլ նրանք, որոնք այստեղ կատուներին ու սոխի գլխներին են երկրպագում։

— Կամ լինչպէս նրանք, որոնք կուշտ գաղանների պէս յագենալուց յետոյ՝ միայն քնել են ցանկանում։

— Եթէ այդպէս է, արժէ ուրեմն ապրել։

— Բայց միթէ մենք գիտենք, թէ մահը մեզ ինչ է տալու։

— Ապա ուրեմն ինչ տարբերութիւն կայ քո և սկեպտիկների միջն։

— Սկեպտիկները հաշտուում են խաւարի հետ կամ երևնում են, թէ հաշտուում են. բայց ես խաւարի մէջ տանջուում եմ։

— Եւ վրկութիւն չես նախատեսում։

Տիմոնը մի փոքր լոեց. ապա մի տեսակ տատանմունքով պատասխանեց.

— Սպասում եմ։

— Ո՞ր տեղից։

— 2գիտեմ։

Յետոյ նա գլուխը ձեռքին խոնարհեց և կարծես բարձրաւանդակի վրայ տիրող լռութեան աղգեցութեան տակ՝ ասաց հանգարտ ձայնով.

— Զարմանալի է, երբեմն ինձ թւում է, որ եթէ աշխարհում աւելի բան չլինէր, քան թէ մենք գիտենք, և եթէ մենք աւելի ոչինչ դառնալ չկարողանայինք, քան թէ ենք այժմ, ապա մեր մէջ անհանգստութիւն չէր լինիլ... Եւ այսպէս հիւանդութեան աղբիւրի մէջ ես առողջանալու յոյսն եմ որոնում։ Դէպի Օլիմպոսն ու փիլիսոփայութիւնն եղած հաւատը վազուց է մեռել. առողջանալու համար հարկաւոր է գտնել մի նոր ճշմարտութիւն, որ ես գեռ չեմ ճանաշում

Հակառակ սպասածին՝ այդ խօսակցութիւնը

Ցիննային ահագին թեթևութիւն տուաւ։ Լսելով, որ
միայն ինքը չէ հիւանդ, այլ ամբողջ աշխարհը, նա
այնպէս զգաց, թէ մէկը նրա վրայից մի ահագին
ծանրութիւն վերցրեց և բաժանեց ու դրաւ միլիօ-
նաւոր մարդկանց ուսերի վրայ։



Իշ ժամանակից յետոյ Ցիննա-
յին ծերունի յոյնի հետ
կապող բարեկամութիւնն
աւելի սերտացաւ։ Այժմ
նրանք յաճախ էին այցե-
լում միմեանց և փոխա-
նակում որպէս մտրերը,
նոյնպէս էլ աղուհացը։
Վերջապէս Ցիննան, չնայելով կեանքից առած իւր
փորձառութեանն ու յոզնածութեանը, դեռ ևս այն-
քան երիտասարդ էր, որ կեանքը չէր կարող նրա
համար պահած չունենալ որևէ նոր հրապոյր։ այդ
հրապոյրը գտաւ նա Տիմոնի միակ դստեր՝ Անտէա-
յի մէջ։

Ալէրսանդրիայում Անտէայի փառքը նուազ չէր

Նրա հօր փառքից նրան երկրպագում էին բոլոր
աղնիւ հռովմայեցիր, որոնք ծանօթ էին Տիմոնին,
յոյները, Սերապէումի փիլիսոփաները և մինչեւ ան-
գամ ժողովուրդը: Տիմոնը նրան կանանցում փա-
կուած չէր պահում, ինչպէս առ հասարակ փակում
էին ուրիշ կանանց, և աշխատում էր հաղորդել նը-
րան իւր բոլոր գիտութիւնները: Երբ Անտէան երե-
խայութեան հասակից դուրս եկաւ, հայրն սկսեց
կարդալ նրան յունարէն, լատիներէն և երրայերէն
գրքեր: Օժտուած լիներով անսովոր յիշողութեամբ
և զարգացած բաղմալեզու Ալէրսանդրիայում, նա
հեշտութեամբ սովորեց այդ լեզուները, ուստի և
իւր մտքերով դարձաւ հօր ընկերը. նա մամնակից
էր այն վիճարանութիւններին, որոնք տեղի էին ու-
նենում Տիմոնի տանը սիմպոզիոնների ժամանակ:
Յաճախ դժուարին խնդիրների լաբիւրինթոսից Ա-
րիադնէի նման կարողանում էր ելք գտնել և իւր
հետ ուրիշներին էլ դուրս բերել:

Հայրը զարմանում էր Անտէայի վրայ և յար-
գում էր նրան: Բացի դրանից նա շրջապատուած էր
խորհրդաւորութեան և մինչեւ անգամ սրբութեան
արէօլով, յաճախ նա այնպիսի մարգարէական երազ-
ներ էր տեսնում, որոնք անմերձենալի են այլ մահ-
կանացուների համար: Ծերունի իմաստունը սիրում
էր նրան իւր հոգու պէս. նա վախենում էր կորց-
նել նրան, որովհետև Անտէան յաճախ էր ասում
հօրը, թէ երազումը երեսում են իրեն թշնամի ոգի-

ներ և մի զարմանալի լոյս, որի մասին չգիտէ կեան-
քի, թէ մահուան աղբիւր է: Իսկ առ այժմ Ան-
տէային շրջապատում էր միայն սէրը. Տիմոնի տունը
յաճախող եղիպտացիր նրան անուանում էին
Լոտոս, թերես այն պատճառավ, որ այդ ժաղիկը
նեղոսի ափերում աստուածային յարդանիքներ էր վա-
յելում, բայց թերես և նրա համար, որ ով մի ան-
գամ տեսնում էր Անտէային, նա մոռանում էր ամ-
բողջ աշխարհը:

Նրա գեղեցկութիւնը հաւասար էր իմաստու-
թեանը: Եղիպտոսի արեւ չէր այրել նրա երեսը,
որի վրայ արշալոյսի վարդակարմիր ճառագայթնե-
րը կարծես փակուած էին մարգարտեայ թափան-
ցիկ խեցիի մէջ. նրա աշքերը անդրագարձնում էին
նեղոսի կապուտակութիւնը. իսկ հայեացը կարծես
դուրս էր գալիս նոյնպիսի խորհրդաւոր խորքերից,
որպէս և այդ գետի ջրերը: Երբ Յիննան առաջին
անգամ տեսաւ նրան, վերագառնալով տուն՝ ջերմա-
ցիրմ տեսնաց նրա պատուին մի անդրի կանգնել
իւր տան նախագաւթում և սպիտակ աղամիք գոհել
նրան: Իւր կեանիքում նա հազարաւոր կանալը էր
տեսել, սկսած հիւսիսի սպիտակ թերթերունիքներով
և ցորենի հասունացած հասկի գոյնի մազերով դուս-
տլըներից մինչեւ լաւայի նման սև նումիգուհիք,
բայց մինչեւ այսօր չէր տեսել ոչ այդպիսի երես և
ոչ այդպիսի հոգի: Եւ որքան յաճախ էր տեսնում,
այնքան աւելի էր ճանաշում նրան: Որքան յաճախ

Էր զրուցում նրա հետ, այնքան աւելի սրանշանում։ Թէ Յիննան աստուածներին չէր հաւատում, բայց երբեմն թոյլ էր տալիս իրեն ենթադրել, թէ Անտէան Տիմոնի դուստրը չէ, այլ երկնքի դաւակ՝ կէս մահկանացու և կէս անմահ։

Նուտով նա սիրեց Անտէային խոր, անկեղծ սիրով, որ բոլորովին նման չէր նրա առաջուայ լգդացումներին, ինչպէս էլ Անտէան նման չէր միւս կանանց։ Նա կամենում էր Անտէային տիրանիալ թէկուզ հէնց այն նպատակով, որ նրան նուիրէ իւր ամբողջ կեանքը և պաշտէ նրան ինչպէս մի կուռքի։ Գերագասում էր աղքատ լինել միայն Անտէայի հետ, քան թէ Կեսար՝ բայց առանց նրա։ Եւ ինչպէս ծովային հոսանքը անդիմադրելի ոյժով յափրշտակում է այն բոլորը, ինչ որ նրա մէջն է ընկնում, այդպէս էլ Յիննայի սէրը յափշտակեց նրա հոգին, սիրտը, մտքերը, նրա օրերը, գիշերները և այն ամենը, որից կազմում է կեանքը։ Քիչ ժամանակից յետոյ նոյն սէրը յափշտակեց և Անտէային։

Tu felix Cinna! ասում էին նրա ընկերները։

Tu felix Cinna! կրկնում էր Յիննան ինքը, երբ Անտէայի աստուածային շրթունքը արտասանում էին այս սրբազն բառերը. «Ուր գու ես, Կայոս, այնտեղ էլ ես Կայոսուհիս եմ». այդ ժամանակ նրան թւում էր, թէ իւր երջանկութիւնը ծովի նման անհուն և անսահման է լինելու։



Ե.



ի տարուայ ընթացքում նորատի կինը գրեթէ աստուածային պատիւներ էր վալելում. իւր ամուսնու համար նա աշքի բիբ էր, սէր էր, իմաստութիւն և լոյս էր։ Բայց իւր բաղդաւորութիւնը ծովի հետ համեմատելով, Յիննան մոռացել էր, որ ծովում տեղատուութիւններ էլ են լինում։

Մի տարուց յետոյ Անտէան մի սարսափելի հիւանդութեան ենթարկուեց. նրա երազները զարհուրելի տեսիլների փոխուեցան, որոնք ծծում էին նրա կեանքի հիւթը։ Արշալոյսի ճառագայթները հանգան, մնաց միայն մարգարտեայ խեցիի թա-

փանցկութիւնը. ձեռներն սկսուեցին հալուել, աշ-քերը խոր ընկան և վարդակարմիր լոտոսն սկսեց սպիտականալ, այնպէս սպիտակ, ինչպէս մեռեալի դէմքը: Ճուտով նկատեցին, որ Ցիննայի տան վերեն ուրուրներ են պտոյտներ անում. իսկ այդ ե-գիպտոսում մահուան նախագուշակութիւն էր հա-մարւում: Անտէայի տեսիլները հետզհետէ աւելի և աւելի զարհուրելի էին դառնում: Միջօրէի ժամերին, երբ արել հեղինեղում էր աշխարհս պայծառ լոյսով և քաղաքը խորասուզում էր կէս քնի մէջ, Անտէա-յին թւում էր, թէ շուրջը անտեսանելի արարած-ների արագ քայլերի ձայնն է լսում, իսկ օդի խոր-քում տեսնում է մեռեալի չոր ու դեղին մի դէմք, որ նայում է իրեն ոև աշքերով: Այդ աշքերը ան-թարթ յառւում էին Անտէայի վրայ և կարծես թէ նրան հրաւիրում էին խորհրդաւոր գաղտնիքներով լի մի աշխարհ: Այդ ժամանակ Անտէան տենդից բռնուածի պէս դողում էր. ճակատը թալկանում ու ծածկում էր բրտնքով. և ամենքից աստուածա-ցրուած այդ քրմուհին դառնում էր անզէն և ասր-սափահար երեխայ: Նա դէմքը ծածկում էր ամուս-նու կրծքի մէջ և կրկնում էր սպիտակացած շրր-թունքներով. «Ազատիր ինձ, Կայոս, ազատիր ինձ»:

Եւ Կայոսը պատրաստ էր յարձակուիլ ամեն մի ոգու վրայ. որպիսին էլ Պերսեփոնէն կարողանար ուղարկել երկրի խորքերից, բայց զուր էր նայում իւր առջել տարածութեան մէջ: Ճուրջը դատարկ

էր, ինչպէս և միշտ միջորէի պահուն: Պայծառ լոյսը հեղինեղում էր քաղաքը: Ծովը կարծես արևումն այրւում էր. իսկ լոռութեան մէջ լսում էր տան շուրջը պտտուող ուրուրների աղմուկը:

Տեսիլները հետզհետէ աւելի և աւելի յաճախ էին պատահում և վերջը կրկնում էին ամեն օր: Նրանք հալածում էին Անտէային դրսում, նախա-գաւթում և ներքին սենհակներում: Ցիննան բժիշկ-ների խորհրդով հրավիրեց եգիպտական ստմբուկին-ներին և բեղուիններին՝ իրանց կաւեայ սուլիչնե-րով, որոնք բարձր երաժշտութեամբ պէտք է խլա-ցնէին անտեսանելի ոգիների աղմուկը:

Բայց ամենը ապարդիւն. Անտէան այդ աղ-մուկը լսում էր նոյն իսկ ամենաբարձր խօսակցու-թեան ժամանակ: Իսկ երբ արել կանգնում էր այն-պէս բարձր, որ ստուերը մարդի ոտի մօտն էր ընկ-նում, այն ժամանակ տապից գոզգոզ օդի մէջ երե-ւում էր մեռեալի դէմքը, որ ապակեայ աշքերով Անտէային նայելով, դանդաղ քայլերով յետ էր քաշ-ում և կարծես ասում. «Հետեւիր ինձ»:



հեշտ էր նրա համար սրով իւր բոլոր երակները կտրտել, քան սպանել Անտէային: Երբ երեակայում էր նրա գլուխը՝ մեռած, փակուած թերթերուներով, սառն ու անդորր, և այդ կուրծքը՝ պատառուած իւր սրով, ապա զգում էր, որ ինքը մօտ է խելագարութեան:

Յոյն բժիշկներից մինն ասաց, թէ չեկատն է երեսում Անտէային, իսկ անտեսանելի էակները, որոնց շրջիւնն այնքան յաճախ լսում է նա, չարագուշակ աստծու շրախումբը կազմողներն են: Նրա կարծիքով Անտէայի համար փրկութիւն չկար, որովհետեւ ով չեկատին տեսնէ, պէտք է մեռնի: Այդ ժամանակ Ցիննան, որ քիչ առաջ ծիծաղում էր ամեն մի սնոտիապաշտութեան վրայ, չեկատին մի հեկատուք *) զոհ արաւ: Բայց այդ զոհն էլ ոչինչ օգուտ չբերեց. և հետեւեալ օրը մեռեալի դաժան աշբերը նոյնպէս անթարթ նայում էին Անտէային:

Նրա գլուխը ծածկելու փորձ անգամ արին. բայց Անտէան ամենաթանձր ծածկոցի տակից էլ տեսնում էր մեռեալի դէմքը: Երբ նա դտնում էր խաւար սենեակում, այդ դէմքը յայտնում էր պատի վրայ և լուսաւորում շրջապատող խաւարը իւր մեռելային դժոյն լոյսով:

Երեկոները հիւանդն իրեն լաւ էր զգում. բայց այդ ժամանակ նա ընկղմուում էր մի այնպիսի խոր

*) Զոհաբերութիւն հարիւր եղնից կազմուած:

Զ.



բբեմնապէս Անտէային թւում էր, թէ այդ դիակի շըրթունքները դանդաղ կերպով շարժւում են և երբեմն էլ նրանցից դուրս են սողում սկ, զզուելի մժեղներ և թռչում դէպի իւր կողմը: Հենց որ տեսիլը միտն էր ընկնում, նա սոսկում էր: Վերջապէս կեանքը նրա համար այնքան ծանր, զարհուրելի դարձաւ, որ շարունակ խնդրում էր Ցիննային կամ թրով սպանել իրան և կամ թոյլ տալ թոյն ընդունել:

Բայց Ցիննան ոյժ չունէր այդ անելու: Աւելի

քնի մէջ, որ Տիմոնն ու Յիննան կարծում էին, թէ
այլ ևս չի զարթնիլ: Վերջապէս նա այնքան թու-
լացաւ, որ չէր կարողանում առանց կողմնակի օդ-
նութեան ման գալ. և նրան պատզարակով էին այս
կամ այն կողմը տանում:

Յիննայի նախկին անհանգստութիւնը վերանո-
րոգուեց և տիրեց նրա ամբողջ էութեանը: Նրա
մէջ կարծես ի միասին ապրում էին թէ երկիւլ
Աստէայի կեանքի մասին և թէ մի օտարութի զգա-
ցում, որ նրա հիւանդութիւնը խորհրդաւոր կապ
ունի այն ամենի հետ, ինչ որ Յիննան իւր բաց խօ-
սակցութեան ժամանակ ասաց Տիմոնին: Թերես
ծերունի իմաստառէրն էլ նոյնն էր մտածում, բայց
Յիննան չէր կամենում և մինչի անզամ վախենում
էր հարցնել նրան: Այն ինչ հիւանդը թառամում էր
ինչպէս մի ծաղիկ, որի բաժակում բոյն է դրել
թունաւոր որդը:

Սակայն չնայելով Անտէային փրկելու յոյսի կա-
տարեալ բացակայութեան, Յիննան պաշտպանում էր
նրան իւր յուսահատութեան ամբողջ գորութեամբ:
Նախ և առաջ նրան տեղափոխեց անապատը՝ Մեմ-
ֆիսի շրջակայքը: Բայց երբ պիրամիտների ներքոյ
ապրեն էլ չաղատեց Անտէային սարսափելի տեսիլ-
ներից, վերադարձաւ Ալէքսանդրիա և շրջապատեց
հիւանդին գուշակներով, կախարդներով և լսկիրշ
գալուկների բազմութեամբ, որոնք խորհրդաւոր մի-
ջոցների օգնութեամբ այնքան ճարպիկ կերպով շա-

հագործում են մարդկային դիւրահաւանութիւնը:
Իսկ Յիննան չփիտէր որ միջոցն ընտրել և ձեռք էր
զարկում ամեն բանի:

Այդ ժամանակ Կեսարիայից Ալէքսանդրիա ե-
կաւ, մի յայտնի բժիշկ, հրէայ Յովսէփը՝ Կուզայի
որդին: Յիննան իսկոյն նրան իւր կնոջ մօտ հրաւի-
րեց, և շուտով յոյսը նորից լուսաւորեց նրա սիր-
ութիւնը: Յովսէփը, որ յունական և հոռվմէական աս-
տուածներին չէր հաւատում, արհամարհանքով մեր-
ժեց չեկատի աղղեցութեան մասին եղած ենթա-
դրութիւնը: Նա ասում էր, թէ աւելի հաւանական
է, որ դիւրար է եղել. և պատուիրեց թողնել ե-
ղիպտոսը, ուր գերից զատ նրա առողջութեան
կարող էին վնասել և գելտայի ճահճային գոլորշի-
ները: Խորհուրդ տուաւ գնալ Երուսաղէմ, ուր գե-
ւերը մուտք չունին և օդը չոր ու առողջարար է:


Յիննան սիրով լնդունեց այդ խորհուրդը ա-
ւելի այն պատճառով, որ նախ ուրիշ ելք չկար և
երկրորդ՝ Երուսաղէմի կառավարիչն էր իւր մի ծա-
նօթը, որի նախնիրը մի ժամանակ Յիննաների
տան կլինտներն են եղել:

Եւ արդարէ պրօկուրատոր (կուսակալ) Պոն-
տացի Պիզատոսը գրկաբաց ընդունեց և նրանց տրա-
մադրութեան տակ դրաւ իւր ամարային տունը, որ
քաղաքի պարիսպների մօտ էր գտնւում:

Բայց Յիննայի յոյսերը կնոջ առողջանալու
մասին յօդս ցնդեցան Երուսաղէմ հասնելուց ա-

ուազ։ Մեռած դէմքը նայում էր Անտէային նոյն իսկ նաև տախտակամածի վրայ։ իսկ տեղ հասնելուց յետոյ հիւանդը միջօրէի ժամին սպասում էր նոյն մահացու տագնապով, որպէս և Ալէր սանդրիայում։

Եւ օրերը կրկին սահում էին յուսահատութեան, ահի և մահի ակնկալութեան մէջ։



նայելով շատրուանին, ստուբաշատ սրահակին և առաւտեան վաղ ժամին, նախագաւթում սարսափելի չող էր։ Սպիտակ մարմարը զարնան արեից շիկացել էր։ Բարեբախտաբար տնից ոչ հեռու բարձրանում էր մի հինաւուրց, սաղարթախիտ փխտայի ծառ, որ իւր ստուբի տակն էր առնում ընդարձակ տարածութիւն։ Մեղս բամին փչում էր այդ արձակ տեղում։ Ցիննան հրամայեց այդ ծառի տակը դնել Անտէայի պատգարակը, որ զարդարուած էր հիացինտներով և խնձորենու ծաղիկներով։ Ինքն էլ նստեց Անտէա-

ի մօտ, ձեռքը կրեց նրա՝ ալեբաստրի նման զըժ-
գոյն ձեռների վրայ և հարցրեց.

— Լաւ ես արդեօր, թանկագինու:

— Լաւ, պատասխանեց նա հազլւ լսելի ձայ-
նով և փակեց աշքերը, որպէս թէ քունը յաղթում
է: Տիրեց լուսթիւն, ծառի տերևներն էին միայն
քամուց չըրշիւն հանում. իսկ գետնի վրայ պատվա-
րակի մօտ փայլվում էին տերեների արանքից թա-
փանցող արկի ճառագայթների ոսկեպյն բծերը.
Գորշ բարերի միջև անդադար ծղրդում էր մորելս:

Քիչ յետոյ հիւանդը բաց արաւ աշքերը:

— Կայնո, ասաց նա, ճշմարիտ է, որ այստեղ
մի փիլիսոփայ է յայտնուել, որ հիւանդներին բը-
ժվկում է:

— Այստեղ այդպիսի մարդկանց մարդարէ են
անուանում, պատասխանեց Յիննան: Ես լսել եմ
նրա մասին և կամենում էի քեզ մօտ հրավիել-
բայց երեաց, որ նա մի խորամանկ կախարդ է:
Բացի դրանից նա հայնոյել է այստեղի սրբութիւն-
ները և այս երկրի հաւատը: Այդ պատճառով պրո-
կուրատորը նրան մահուան է գատապարտել և այս-
օր նա պէտք է խաչուի:

Անտէան զլւկուը խոնարհեց:

— Ժամանակը միայն կրժշկէ քեզ, աւելացրեց
Յիննան, տէսնելով Անտէայի երեսի վիշտը:

— Ժամանակը մահի ծառան է և ոչ թէ կեան-
քի, դանդաղ կերպով արտասանեց հիւանդը:

Նորից լոռութիւն տիրեց. շուրջը աւելանում
էին արեի ոսկեայ բծերը. մորեին աւելի ուժով էր
ծղրդում. ժայռերի արանքից դուրս էին սողում
փոքրիկ մողէներ և տաքանում շիկացած քարերի
վրայ:

Ցիննան մերթ ընկ մերթ նայում էր Անտէա-
յին: Հազարերորդ անդամը նրա գլուխն էր գալիս
միենոյն յուսահատ միտրը, թէ բոլոր միջոցները
սպառուած են, թէ այլ են փրկութեան որ և է յոյս
չկայ, թէ շուտով իւր աստուածայրած էակից մի
վագանցուկ ստուեր կմնայ և մի բուռն աճիւն գե-
րեզմանի խորքում:

Եւ հէնց այժմ էլ Անտէան գոց աշքերով, պառ-
կած ծաղկագարդ պատվարակի վրայ, նրան մեռած
էր թւում:

— Ես էլ քո յետելից կդամ, մտքումը կրվնում
էր Յիննան:

Այդ ժամանակ հեռուից լսուեցաւ մէկի ոտ-
նաձայնը:

Անտէայի դէմքը սպրտնեց. կիսաբաց շրթուն-
քը, որ ապահութեամբ օդ էին չնշում, սեղմուեցան.
կուրծքը ալեկոծւում էր շտալ չնշառութիւնից:
Թշուառ նահատակը հաւատացած էր, թէ աներևոյթ
էակների բազմութիւնն է մօտենում, որոնք յայտ-
նում են մեռած, ապակեայ աշքերով դէմքի մերձե-
նալը: Բայց Յիննան յափշտակեց նրա ձեռքը և աշ-
խատում էր հանդուտացնել.

— Մի վախնար, Անտէա. այդ քայլերի ձայնը ևս էլ եմ լսում։

Եւ քիչ յետոյ աւելացրեց.

— Դա Պոնտացին է, մեզ մօտ է գալիս։

— Ցիրաւի կածանի գլախին երկաց պրոկուրատորը՝ երկու ստրուկների ուղեկցութեամբ։ Դա հրիտասարդութիւնն արդէն անցրած մարդ, կլոր, խնամքով ածիլուած երեսով, վեհութեան և միևնուն ժամանակ անկեղծ հոգսի ու յոգնածութեան հետքերով։

— Ուզո՞յն քեզ, ազնիւ Յիննա, և քեզ, աստուածայինդ Անտէա. ասաց նա, մտնելով փիստայի ծառի հովանու տակ։ Այնպիսի ցուրտ գիշերից յետոյ այսպիսի շոգ օր... թող նա բախտաւոր լինի Զեզ՝ երկուսիդ համար և թող նորից ծաղկի Անտէայի առողջութիւնը որպէս այդ հիացինաներն ու խնձորենու ծաղկիները, որոնք զարդարում են նրա պատգարակը։

— Ուզո՞յն և քեզ, պատասխանեց Յիննան. ողջ լեր։

Պրոկուրատորը նստեց մի ժայռի քեկորի վրայ, նայեց Անտէային. յօնքերը թեթև կիտեց ու ասաց։

— Առանձինութիւնը ձանձրոյթ ու հիւանդութիւն է ծնում. այն ինչ հասարակութեան մէջ անհաշիւ երկիւղը տեղ չունի։ Ուստի մի խորհուրդ եմ տալիս Զեզ։ Դժբախտաբար այս քաղաքը ոչ Անտիոք է, ոչ Կեսարիա. այստեղ չկան խաղեր,

մըցանքներ. իսկ եթէ կրկէսներ էլ լինէին, ապա տեղւոյս մոլեռանդ մարդիկը հետևեալ օրն իսկ կըկործանէին։ Այստեղ միայն մի խօսք է լսում՝ «օրէնք»։ իսկ այդ օրէնքին ամեն ինչ խոչնդոտն է։ Ես աւելի կնախադասէի Սկիւթիայում ապրել, քան այստեղ...

— Դրանով ինչ ես ուզում ասել, Պիղատնս։

— Ասեմ. ես խնդրից հեռացայ. իմ հոգսերն են դրա պատճառը։ Ասացի, որ հասարակութեան մէջ անհաշիւ երկիւղը տեղ չունի։ Եւ ահա այսօր դուք կարող էք օգուտ քաղել՝ ներկայ լինելով մի տեսարանի։ Երուսաղէմում պէտք է քով բաւականանալ, իսկ գլխաւորը՝ աշխատել, որ Անտէան միջօրէի ժամին շրջապատուած լինի ամբոխով։ Այսօր պէտք է երեք մարդ խաչուին։ Ոչինչ չտեսնելուց այդ տեսնելը լաւ է։ Բայցի դրանից զատկական տօների առթիւ երկրի ամեն կողմերից քաղաք են թափում զանազան տեսակ թափառականների բաղմութիւն։ դուք կարող էք այդ մարդկանց նայել ու զուարձանալ։ Ես կհամայեմ, որ ձեզ տեղ տան հէնց խաչերի մօտ։ Յուսով եմ, որ մահուան դատապարտուածները քաջութեամբ կմեռնին։ Նրանցից մէկը—մի զարմանալի մարդ է դա—իրան Աստուծոյ Որդի է անուանում. աղաւնու պէս հեզ է և արդարն մի այնպիսի գործ չի կատարել, որ մահուան զատապարտուէր... բայց...

— Բայց դու նրան մահուան դատապարտեցիր։

— Կամեցայ զանազան անախորժութիւններից խուսափել և միւնոյն ժամանակ շնաձանների բնին ձեռք չտալ, որոնք բզզում են տաճարի շուրջը: Նրանք առանց այն էլ ինձ դէմ բողոքներ են ուղարկում չոռվմ: Վերջապէս խնդիրը հոռվմէական բաղաքացու չի վերաբերում:

— Դրանով դատապարտուածի տանջանքները չեն մեղմանալ:

Պրոկուրատորը չպատասխանեց. բոպէական լրութիւնից յետոյ խօսեց՝ կարծես ինքն իրեն.

— Մի բան կայ, որ ես չեմ կարող տանել. դա ծայրայեղութիւնն է: Ով ինձ մօտ արտասանում է այդ բառը, նա մի ամբալջ օրով զրկում է ինձ հոգու ուրախ տրամադրութիւնից: Ամենից լաւը միշին ճանապարհն է. դա ոսկի է. իմ խոհեմութիւնը հարկադրում է ինձ հետեւել նրան: Աշխարհիս երեսին մի անկիւն չկայ, ուր այդ կանոնին աւելի քիչ հետեւին, բան թէ՝ այստեղ... բայց ինչպէս այդ ամենը տանջում է ինձ: Ո՛չ մի տեղ ոչ ճանդապութիւն կայ, ոչ հաւասարակշռութիւն... ոչ մարդկանց մէջ և ոչ բնութեան... Այսպէս օրինակ այժմ գարուն է. զիշերները սաստիկ ցուրտ են, իսկ ցերեկը այնպէս շոգ է, որ բարերի վրայով գժուար է մանգալ: Մինչև կէս օր դեռ ժամանակ շատ կայ. բայց նայեցէք, թէ ի՞նչ է կատարում մեր շուրջը: Իսկ թէ ինչպիսի մարդիկ են այստեղ, զբա մասին շարժէ անդամ խօսել: Այստեղ ես ապրում եմ

այն պատճառով, որ պարտաւոր եմ ապրել: Խօսքը սակայն զբան չի վերաբերում... Կրկին խնդրից հեռացայ: Գնացէք, մահապարտների խաչուիլլ տեսէք. ես հաւատացած եմ, որ այդ նազովրեցին բաջ պիտի մեռնի: Ես հրամայեցի նրան ծեծել, կարծելով՝ թէ զբանով նրան մահից կազատեմ... ես ամեննեին խստասիրտ մարդ չեմ... Երբ նրան ծեծում էին, նա համբերում էր գառան պէս և մինչև անգամ օրհնում էր ժողովրդին... և թէպէտ արիւնով էր ծածկուած, բայց աշրերը բարձրացրեց դէպի երկինը և ազօթում էր: Ամբողջ կեանքիս մէջ տեսրկինը մարդկանցից դա ամենազարմանալին է: Այսօր կինս մի բոպէ հանգստութիւն չէ տուել ինձ: Առաւոտից սկսած շարունակ կրկնում էր. «Մի թողնիր, որ անմեղին սպանեն»: Ես էլ կամենում էի պատկան անել. երկու անդամ գուրս եկայ և գիմեցի քահանայապետներին ու արհամարհելի ամբոխին. բայց նրանք միաբերան գոռում էին.

«Ի խան զգա»:

— Եւ դու զիջար, հարցրեց Ցիննան:

— Եթէ զգիցէի, քաղաքում խռովութիւն կծագէր, իսկ ես այստեղ նստած եմ նրա համար, որ խաղաղութիւնը պահպանեմ: Ծայրայեղութիւններ ես չեմ սիրում. բացի զրանից սարսափելի կերպով յոզնած եմ: Բայց եթէ որ և է գործ եմ ձեռնարյուղնած եմ: Բայց եթէ որ և է գործ եմ ձեռնարյուղնած եմ:

համար. մանաւանդ եթէ այդ մարդը ոչ որի յայտնի չէ և նրա համար ոչ ոք ինձ պատասխանատւութեան չի ենթարկիլ. Աւելի ես վատթար կլինի այդ մարդու համար, եթէ հռովմայեցի չէ:

— Արեգակը միայն չոռվմի վրայ չէ ծագում, պատասխանեց Անտէան:

— Աստուածայինդ Անտէան, պատասխանեց պբո. կուրատօրը. ես կարող էի քեզ պատասխանել, թէ ամբողջ երկրին նա միակերպ է լոյս տալիս, իսկ չոռվմի փառքին՝ ես աւելի. ուստի չոռվմի շահի համար հարկաւոր է նուէր բերել ամեն ինչ: Իսկ խռովութիւնները խախտում են մեր ազգեցութիւնը. բայց նախապէս աղաջում եմ քեզ. մի պահանջիր, որ դատավճիռը փոխեմ: Ցիննան էլ կարող է վկայել, որ եթէ դատավճիռն արտասանուած է. ապա միայն Կեսարը կարող է փոխել այն. իսկ ես, եթէ ցանկանամ էլ, չեմ կարող. ճշմարիտ է, Կայոս:

— Ճշմարիտ է:

Այդ խօսքերն ըստ երեսյթին Անտէայի վրայ անախորժ տպաւորութիւն թողեցին, և նա կարծես ինքն իրան ասաց.

— Ուրեմն առանց յանցանքի էլ կարելի է մահուան դատապարտուիլ:

— Ըստ ամենայնի անմեղ մարդ աշխարհումս չկայ, պատասխանեց Պոնտացին. Ահաւասիկ որովհեակ այդ նազովրեցին ոչ մի յանցանք չի գործել, ուստի ես՝ որպէս պրոկուրատոր լուացի ձեռներս.

բայց որպէս մարդ ես դատապարտում եմ նրա վարդապետութիւնը: Ես դիտմամբ երկար խօսեցի նրա հետ. աշխատում էի փորձել նրան. և համոզուեցայ, որ նա մի շտուած բան է քարոզում. մի բան, որ հասկանալ անգամ դժուար է: Աշխարհը պէտք է հաստատուած լինի բանականութեան վրայ . . . Ո՞վ է վիճում, թէ առարինութիւնը անհրաժեշտ է . . . ի հարկէ: ոչ ես: Բայց չէ որ ստոյիկեաններն էլ են պատուիրում խաղաղ սրտով ընդունել հակասական կարծիքները. և չեն պահանջում հրաժարուիլ ամեն բանից՝ սկսած կարովութիւնից մինչև այսօրուայ ճաշը: Խօսիր, Ցիննա, դու խոհեմ մարդ ես. Ի՞նչ կասէիր ինձ, եթէ այս տունը, ուր գուք բնակում էք, առանց գէս ու գէն նայելու վերցնէի ու տայի այն սինքրոններին, որոնք արեգունի են տալիս եաֆայի գոների մօտ. իսկ նա հէնց այդ է պահանջում: Այլ և ասում է, թէ ամենքին պէտք է սիրել հաւասարապէս, հրէաններին այնպէս՝ ինչպէս հռովմայեցիններին, հռովմայեցիններին այնպէս, ինչպէս եղիպտացիններին, եղիպտացիններին այնպէս՝ ինչպէս աֆրիկացիններին և այլն: Խոստովանում եմ, այդ ինձ ձանձրացրել է: Այն բոպէին, երբ խնդիրը նրա կեանքին է վերաբերում, նա իրան այնպէս է պահում, որ կարծես թէ խօսքը իրան չի վերաբերում, այլ մի ուրիշ անձի, ուսուցանում է և . . . ազօթում: Իմ ի՞նչ գործն է փրկել նրան, որ իր անձի մասին չէ հռովմայ: Ով որ շափաւորութեան զգա-

ցումն չունի, անխոհեմ մարդ է: Բացի գրանից նա իրան կոչում է Աստուծոյ Որդի և խալսում է այն հիմունքները, որոնց վրայ կանգնած է աշխարհս. կնշանակէ՝ վնասում է իրան և ուրիշներին: Թող իւր սրտի խոլքում մտածէ, ինչ որ կամենում է: Միայն թէ հիմունքները չխախտէ: Ինչպէս մարդ ես բռղոքում եմ նրա վարդապետութեան դէմ. թող ես ինքս չաւատամ աստուածներին դա իմ գործն է: Սակայն ես ընդունում եմ կրօնքը և հրապարակով ասում եմ, թէ նա անհրաժեշտ է. ըստ որում գիտեմ, որ դա ժողովրդի համար լաւագոյն սանձն է: Զիերը պէտք է լծուած լինին կառքերին, և այն էլ լաւ լծուած... Վերջապէս այդ նազովրեցու համար մահը պէտք է զարհուրելի չլինի. նա պնդում է, թէ յարութիւն պիտի առնի:

Յիննան ու Անտէան զարմանքով իրար նայեցին:

— Յարութիւն պիտի առնի:

— Այն, երեր օրից յետոյ. գոնէ այդպէս են ասում նրա աշակերտները. ես մոռացայ դրա մասին իրան հարցնել. Վերջապէս այդ միևնոյն է. որովհետև մահն աղատում է խոստումներից. բայց եթէ յարութիւն էլ չառնի, էլի ոչինչ չի կորցնում. որովհետև ըստ նրա վարդապետութեան՝ իսկական երջանկութիւնը յաւիտենական կեանքի. հետ ի միասին՝ սկսում է միայն մահից յետոյ: Նա դրա մասին խօսում է վճռաքար, ինչպէս կատարելապէս համոզուած մարդ: Նրա աշխարհն աւելի լուսաւոր է,

քան թէ ստորարեգակնայինը, և ով որ այստեղ աւելի է տանջուում, նա աւելի շուտ կմտնէ այնտեղ: Պէտք է միայն սիրել, սիրել և սիրել:

— Զարմանալի վարդապետութիւն է. ասաց Անտէան:

— Իսկ ժողովուրդը գոռում էր, թէ խաչիր նրան, հարցրեց Յիննան:

— Ես ինքս չեմ զարմանում. այս ժողովրդի հոգին ատելութիւն է. իսկ ով, եթէ ոչ ատելութիւնը, կպահանջէ խաչել սէրը:

Անտէան նիհար ձեռքը ճակատը տարաւ:

— Եւ նա հաւատացած է, թէ մահից յետոյ կարելի է ապրել և հրցանիկ լինել:

— Հինց այդ պատճառով նրան չեն սարսափեցնում ոչ խաչը, ոչ մահը....

— Ինչպէս լաւ կլինէր այդ, Կայսո... բայց որտեղից է նա այդ իմանում, հարցրեց Անտէան:

Պրոկրուատորը թոթուեց ձեռքը.

— Ասում է, թէ այդ իմանում է բոլոր մարդկանց չօրից, որ հրէաների համար նոյնն է, ինչ որ մեզ համար իւպիտերը, այն տարբերութեամբ, որ նազովրեցու ասելով՝ նա մէկ է և ողորմած:

— Ինչպէս լաւ կլինէր այդ, Կայսո, կրկնեց հիւանդը:

Յիննան բաց արաւ բերանը, կարծես ուզում էր մի բան ասել. բայց լուեց և խօսակցութիւնն ընդհատուեց: Պոնտացին ամբողջ ժամանակ մտա-

ծում էր նազովրեցու տարօրինակ վարդապետութեան մասին. շարժում էր գլուխը, շուտ շուտ ուսերը վեր էր քաշում: Վերջապէս կանգնեց և սկսեց հրաժեշտի ողջոյն տալ:

— Կայս, գնանք այդ նազովրեցուն նայելու,
ասաց Անտէան:

— Փութացէք, աւելացրեց Պիղատոսը հեռանալով. թափօրը շուտով կշարժուի:



Ը.

Ին առաւտուանից տօթ էր ու պարզ, իսկ միջօրէի մօտ ըսկըսեց ամպել: Հիւսիս-արեմուտքից լողում էին մութ, մրրկալից ամպեր, կարմիրպղնձի գոյնով: Թէպէտ ամպերի միջից տեղ տեղ երեւում էր երկնրի կապոյտը, բայց կարելի էր գուշակել, թէ նրանք շուտով կմիանան և կպատեն ամբողջ հորիզոնը: Արել ոսկեզօծում էր այդ ամպերի ատամնաւոր ծայրերը: Քաղաքի և մերձակայ ըլուրների վրայ գեռ ևս փռւում պարզ երկնքի շերտը, իսկ վարն օդը կանգնած էր անշարժ զանգուածի պէս:

Բարձրաւանդակի վրայ, որ կոչւում էր Գող-

գոթայ, տեղ տեղ կանգնոտած էին մարդկանց խըմքեր, որոնք շտապել էին տեղ բռնել աւելի վաղ, քան տխուր թափօրը կմեկնէր քաղաքից։ Արեգակը լուսաւորում էր քարոտ, ամայի ու անրեր ընդարձակ տարածութիւնը։ Տեսարանի ընդհանուր միակերպ գորշմարդարտափոյն ֆօնը խանգարում էր միայն ճեղքուածների ու քարավների ցանկով, որոնք այնրան աւելի ու էին երեսում, որքան աւելի պայծառ ճառագայթներով էր լուսաւորում բարձրաւանդակը։ Հեռուում երեսում էին բարձր բլուրներ, նոյնպէս անրերի և ծածկուած հեռաւորութեան կապոյտ մառախուզով։

Ստորև՝ Գողգոթայի բարձրաւանդակի և քաղաքի պարիսպների միջն ընկած էր մի հարժութիւն, ժայռերով ծածկուած, բայց արդէն ոչ այնպէս ամայի, ինչպէս բարձրաւանդակը։ Այնտեղ ժայռերի ճեղքուածներում, ուր թիշ շատ բերրի հող էր ժողովուած, դուրս էին նայում արմաւենիք՝ ցանցառ ու խղճուկ տերեներով։ Այստեղ ու սցնտեղ երեսում էին հարժ տանիքաւոր շինութիւններ, որոնք ծիծեռնակի բների նման կպած էին քարեայ պատերին և կամ փայլում էին շիրիմի սպիտակութեամբ։ Այդ օրերում մերձակայ տօների և զաւառներից մեծ ժողովուրդ գալու պատճառով պատերի մօտ տնկուել էին բազմաթիւ տաղաւարներ ու վրաններ, որոնց մօտ կանգնած էին մարդկանց խմբեր և շատ ուղտեր։

Երել շարունակ վեր էր բարձրանում երկնակամարի այն մասով, որը դեռ չէին կարողացել ամպերը ծածկել։ Մօտենում էր ժամը, երբ սովորաբար այդ բարձրութիւնների վրայ տիրում էր մեռելային լուսվիւն, որովհետև բոլոր կենդանի արաւածները ապաստան էին սրոնում բազարի պատերի կամ ժայռերի ճեղքերի մէջ։ Մինչև անդամ այժմ, չնայելով սովորական կենդանութեանը, մի տեսակ տիրութիւն էր թագաւորում այդ դատարկ տարածութեան վրայ, ուր արեի շացնող փայն ընկնում էր նշ թէ բուսականութեան, այլ գորշ բարակոշտերի վրայ։ Քաղաքային հեռաւոր աղմուկի արձագանը, որ այստեղ էր համնում, կարծես փոխակերպում էր ալիքների աղմկի, որոնք՝ թւում էր, թէ կուլ են վնում շուրջը տիրող լուսվեան մէջ։

Մարդկանց խմբերը, որոնք առաւօտից տեղ էին բռնել Գողգոթայի վրայ, նայում էին դէմի բազարը, որտեղից պէտք է երեար թափօրը։ Ճուտով երեաց Անտէայի պատգարակը, ուղեկցութեամբ պլուկուրատորի տասնեակ զինուորների, որոնք որոշ չափով պէտք է օտարականներին պաշտպանէին նրանց անարգով մոլեռանդ ամբոխի վիրաւորանքներից։ Պատգարակի մօտից գնում էր Ցիննան՝ հարիւրապետ Ռուֆիլի ուղեկցութեամբ։

Անտէան աւելի հանդիսատ և պակաս վրդովուած էր երեսում, թէ սիջօրէն մօտենում էր, միշտ նշան

սոսկալի տեսիների երևման, որոնք նրանից ծծում էին նրա կեանքը։ Այն ամենը, ինչ որ պրոկուրատորը խօսել էր երիտասարդ նազովրեցու մասին, իշխել էր Անտէայի մտքի վրայ և հեռացրել էր ուշադրութիւնն իւր հիւանդութիւնից։ Այդ հանգամանքի մէջ թափնուած էր մի օտարութի բան, որը նա գրեթէ չէր կարողանում հասկանալ։

Եյն ժամանակուայ աշխարհը շատ էր տեսել մարդիկ. որոնք մեռել էին այնպէս հանգիստ, ինչ պէս հանգիստ մարում է խարոյկը, երբ այրում, վերջանում են փայտերը։ Բայց այդ շինծու հանգըստութիւն էր, որ բղխում էր սրտի արիութիւնից և կամ փիլիսոփայական հաշտութիւնից այն մտքի հետ, թէ լոյնից խաւարը, իրական կեանքը մի մոայլ, անյայտ ու անորոշ դրութեան անցնելը անհրաժեշտականութիւն է։ Մինչև այսօր ոչ ոք չէ օրհնել մահը, ոչ որ չէ մեռել այն անդրդուելի հաւատով, թէ միայն դադաղից յետոյ է սկսում իսկական կեանքն ու երջանկութիւնը, այնպիսի մի բարձր ու անվերջ երջանկութիւն, որ միայն կարող է տալ ամենակարող և անսահման էակը։

Իսկ նա, որին այժմ և եթ պէտք է խաշեն, քարոզում է այդ ինչպէս անկասկածելի ճշմարտութիւն։ Անտէային ոչ միայն դարմացնում էր այդ վտրդապետութիւնը, այլ և նրան թւում էր, թէ դա միսիթարութեան ու յոյսի միակ աղքիւրն է։ Նա զիտէր, որ պէտք է մեռնի, և տանջւում էր սոսկա-

լի վշտից։ Ի՞նչ էր մահը նրա աշքում. — Ցիննայից բաժանութիլը, հօրից բաժանութիլը, լոյսից, սիրուց, դաշտից, ցրտից, խաւարից բաժանութիլը։ Որքան լաւ կարող էր ապրել աշխարհում, այնքան աւելի զօրեղ պէտք է լինի վիշտը։ Եթէ այդ մահը կարողանար նրան որեէ օգուտ տալ, եթէ Անտէան կարողանար հետը տանել գէթ սիրոյ վերաբերեալ յիշողութիւններից մի մասը, այն ժամանակ նա ճակատագրին հնազանդելու ոյժ կգտնէր իւր մէջը։

Եւ ահա յանկարծ, երբ մահից ոչինչ չէ սպասում, նա լսում է, թէ հէնց մահը կարող է ամեն ինչ տալ, եւ ով էր այդ քարոզում։ Մի արտասովոր մարդ, ուսուցիչ, մարդարէ, փիլիսոփայ, որ մարդկանց նկրշնչում էր սէր՝ որպէս վեհագոյն առաքինութիւն, որ օրհնում էր նրանց, երբ նրանք ծեծում էին նրան և այժմ իսկ պէտք է խաչեն։

«Ինչու նա այգախ էր քարոզում, մտածում էր Անտէան, քանի որ խաչը պէտք է լինի նրա միակ վարձը։ Ոմանք իշխանութիւն ցանկացան. նա չցանկացաւ և խեղճ մնաց. միւսները՝ պալատներ, խընջոյքներ, ճոխութիւններ, ծիրանի ղգեստ, կառքեր, փղոսկրեայ և սպափի զարդարանքներ. բայց նա ապրում էր ինչպէս հովիւ ոչխարների հօտի մէջ։ Նա քարոզում էր սէր, կարեկցութիւն, աղքատութիւն... ապա ուրեմն չէր կարող չար մարդ լինել և մարդկանց խարել։ Բայց եթէ նա ճշմարիտն է ասել, ապա թող օրհնեալ լինի մահը, որպէս երկ-

բային ոչնչութեան վախճան, որպէս նուազ երջանկութեան փոխարկութիւն մեծ երջանկութեան հետ, որպէս լոյս մարող աշքերի համար և որպէս թեր, որոնցով սլանում են յաւիտենական ուրախութեան օթեանը...»

Անտէան հասկացաւ այժմ, թէ ինչ է նշանակում յարութեան քարոզը: Թշուառ հիւանդի միտքն ու սիրտը ամուր կապուել էր այդ քարոզութեան հետ: Նա յիշեց իւր հօր յաճախ կրկնած խօսքերը, թէ միայն մի նոր ճշմարտութիւն կարող է մարդկային յոգնատանչ հոգին ազատել խաւարից ենրան կաշկանդող կապերից: Եւ ահաւասիկ դա նոր ճշմարտութիւն է. դա յազմում էր մահը և փրկուելու հնարաւորութիւն էր տալիս:

Անտէան այնպէս էր խորասուզուել այդ մտքերի մէջ, որ Ցիննան այդ օրը միջօրէին քիչ մնացած առաջին անգամը նրա երեսին սովորական վրդովման նշանները շտեսաւ:

Թափօրն արդէն դուրս էր եկելքաղաքից դէպի Գողգոթա. այս բարձրութիւնից, ուր կանգնած էր Անտէայի պատգարակը, երեսում էին ամենաշնչին մանրամասնութիւնները: Ահագին էր այն ամբոխը, որ մահապարտին դէպի պատժատեղին էր ուղեկցում. բայց նա էլ կարծես հալչում էր բարքարոտ անապատի ընդարձակութեան մէջ: Քաղաքի բաց դռներից դուրս էին հոսում մարդկանց ալիքները. ճանապարհին նրանց հետ միանում էին նոր խմբեր,

որոնք սպասում էին դռներից դուրս: Այս մարդկային հեղեղի չորս կողմով գնում էին տղաների երամներ: Թափօրը փոփոխում էր իւր գոյնը և փայլում էր տղամարդկանց սպիտակ շորերից և կանանց կարմիր ու կապոյտ քօղերից: Միջավայրում փայլատակում էին հոսվմէական զինուորների սուսերներն ու նիզակները: Հետզհետէ որոշ ու պարզ էր դառնում զանազան ձայներից կազմուած աղմուկը, որ լաւում էր հեռուից:

Կերցապէս թափօրը մօտեցաւ Գողգոթային: Փողովրդեան առաջին շարքերն սկսեցին բլուրը բարձրանալ: Ամբոխն շտապում էր մօտ տեղերը բլուել, որպէս զի պատժի մանրամասներից ոչ մինը աշքից շթողնի: Այդ պատճառով մահապարտներին ուղեկցող զինուորների խումբը բաւականաչափ յետ էր մնացել: Առաջինն երեսացին կիսամերկ երեխայր, առաւելապէս տղայք, ազգրները պատած լաթի կըտորսվ, զլուխները խուզած, քոնքերին միայն խոպաններ թողած, զժգոյն, կապտաւուն աշքերով և ճշացող ձայնով: Այդ աղմուկի և աղաղակի մէջ նըրանք ժայռերի ճեղքուածներից քարեր էին պոկտում, պահում, որ գցեն խաչեալների վրայ: Երեխաների յետերից թափօրեց ժողովուրդը:

Ամենը երեսները կարծես վառւում էին հետաքրքիր տեսաբանը շուտով տեսնելու ցանկովթիւնից. բայց և նրանցից ոչ մէկի վրայ կարեկցութեան հետք չկար: Աղմկաւոր ձայները, հապճէպ

խօսքերը, սուր շարժողութիւնները զարմացնում էին մինչև անգամ Անտէային, թէ և նա Աղէքսանդրիայից ծահօթ էր ամբոխի դատարկախօսութեան և աշխոյժին։ Սյստեղ մարդիկ իրար հետ խօսում էին այնպէս, որ կարծես ցանկանում էին միմեանց վըրայ յարձակուլ։ և գոռում էին, որպէս թէ խնդիրն իրենց մահուան կամ փրկութեանն է վերաբերում։

Հարիւրապետ Ռուֆիլը մօտեցաւ պատգարակին. խաղաղ ու գործասէր մարդու եղանակով Անտէային զանազան բացատրութիւններ էր տալիս. այն ինչ քաղաքի կողմից շարունակ գալիս էին մարդկանց նորանոր հոսանքներ։ Բազմութեան մէջ երեւում էին երուսաղէմի հարուստ քաղաքացիրը, որոնք աշխատում էին հեռու պահել իրենց զանազան սինլըրորներից, նրանց մէջ կային գիւղացիներ, հողագործներ՝ մաղախն ուսներին, բարեսիրտ և զարմացած հովիւներն՝ այծի մորթից շինած շորերով։ Կանանց շարքերը խառնուել էին տղամարդկանց շարքերի հետ. բայց որովհետև աւելի հարուստ քաղաքացի կանայքը սիրով չէին դուրս գալիս տնից, ուստի այստեղ հաւաքուել էին գլխաւորապէս ժողովրդի կանայք, գեղջկուհիք կամ խայտաճամուկ հագուած գեղեցկուհիք՝ ներկած մաղերով, յօնքերով և եղունգներով, զարդարուած դրամներից հիւսած լայն մանեակներով, հեռու տարածելով նարդոսի բուրմունքը։

Վերջապէս յայտնուեց և սինեգրիոնը, նրա մէջը

Աննա բահանայապետը — մի ծերունի բուլի կերպարանքով և կարմիր արտևանունքով — և հաստամարմին Կայափան՝ երկմիւղ խոյրով, ոսկեզօծ տախտակը կը կըծքին։ Մրանց ետեղ գալիս էին զանազան փարիսեցիր, բարշ տալով իրանց ոտները, որոնք բայլելիս դիտմամբ հանդիպում էին զանազան խոշլնդուների. ապա փարիսեցիր՝ արիւնոտ ճակատներով, որոնք նոյնպէս դիտմամբ իրանց գլուխները պատերին էին խփում, և կորացած փարիսեցիր, որոնք կարծես պատրաստ էին ամբողջ ժողովրդի մեղքը իրանց ուսերին առնելու։ Դժնեայ լրջութիւնն և սառնասիրտ կատաղութիւնը պարզ կերպով տարբերում էին դրանց հասարակ ժողովրդի աղմկալի ամբոխից։

Ցիննան նայում էր բոլոր անցնողներին իշխող ազգին պատկանող անձի արհամարհանքով, Անտէան՝ զարմանքով և երկիւղով։ Նա շատ էր տեսել հրէաներ Ալէքսանդրիայում, բայց այնտեղ նրանք նման էին յոյներին, իսկ այստեղ առաջին անգամը տեսնում էր նրանց հէնց այնպէս, ինչպէս նկարագրել էր պրոկուրատորը։ Անտէայի մատաղ դէմքը, ուր մահն արդէն իւր կնիքն էր դրոշմել, նրա կազմուածքը, որ աւելի ստուերի՝ քան կինդանի էակի էր նման, իրանց վրայ էին դարձրել ընդհանուր ուշադրութիւն։ Ամբոխը դիտում էր նրան այնքան յանդգնութեամբ և աներեսութեամբ, որքան թոյլ էին տալիս պատգարակը պահպանող զինուորները։

Եւրաքանչի երեսին երեսում էր ատելութիւն և արհամարհանք դէպի օտարները, և ոչ մէկի երեսին չէր նշմարւում ցաւակցութիւն դէպի թշուառ հիւանդը: Ընդհակառակը նրանց զայրացած աչքերում աւելի ուրախութիւն էր փայլում, որ հիւանդութեան զոհը չէ կարող խուսափել ճակատագրական վախճանից: Անտէան այժմ միայն հասկացաւ, թէ ինչու այդ մարդիկը պահանջում էին խաչել մարդարէին, որ սէր էր քարոզում:

Եւ այդ նազովրեցին յանկարծ երեաց նրան իբրև մի մտերիմ և սիրելի անձն: Նա պէտք է մեռնէր. ինքն էլ՝ նոյնպէս: Այժմ արդէն ոչինչ չէր կարող փրկել նազովրեցուն. դատավճիռն արդէն արտասանուած էր. բայց նոյնը և Անտէայի վրայ: Նրան թւում էր, թէ իրանց կապում է դժբախտութեան և մահու եղբայրակցութիւնը: Միայն թէ նազովրեցին դէպի խաչն էր գնում հաւատով, իսկ Անտէան այդ հաւատը չունէր ու եկել էր փոխ առնելու նրա օրինակից:

Այդ միջոցին ամբոխի ազմուկը գօրանում էր. լսուեց սուլոց, գոչիւն և ապա յանկարծ ամեն ինչ լուց: Լսում էր միայն զէնքերի շաշիւնը և լեզիոնարների ծանր քայլերը: Ամբոխը տատանուեց, զինուորների համար ճանապարհ բացեց և պատժապարտներին ուղեկցող գունդը հաւասարուեց պատգարակին: Առջեկից, աջ ու ձախից և յետեկից դանդաղ ու հաւասար բայլերով գնում էին զինուորնե-

րը. մէջ տեղը երեսում էին երեք խաչ, որոնք կարծես օվումն էին լողում, որովհետև այդ խաչերը կրող մարդիկը նրանց ծանրութեան տակ ճկել էին: Դիւրին էր հասկանալ, թէ այդ երեք մարդկանց մէջ նազովրեցին չկար. երկու պատժապարտների երեսները կրում էին ոճիրի և անառակութեան յայտնի հետք. իսկ երրորդը երեսով մի ոչ երիտասարդ հասարակ զիւղացի էր, որին հուզմէական զինուորները ստիպում էին տանել խաչը մի ուրիշի փոխարէն: Նազովրեցին գնում էր խաչերի յետեկից՝ երկու պահապանների ուղեկցութեամբ, ծիրանի վերաբկուով ծածկուած, գլխին կար փշեալ պսակ, որի փշերի տակից խոշոր կաթիլներով արիւն էր հոսում: Այդ կաթիլներից մի քանիսը վայր էին զլորւում երեսի վրայով, միւսները չորացել էին ճակատին վայրի վարդենու պտուղների կամ բուստի հատիկների նման:

Նազովրեցին գժգոյն էր և ամբոխի ծաղրի միջով առաջ էր գնում անհաստատ և թոյլ քայլերով. կարծես նա ընկղմուած էր մի խորը մտածման մէջ, որ գուրս է տեսանելի աշխարհի սահմաններից, ասես արդէն վերացած երկրից. թւում էր, թէ նա չէ լսում ատելութեան աղաղակները, մի՛ ամենայն ինչ ներող զգացմամբ, որ անցնում է մարդկային ներողամտութեան շափը, և կարեկցութեամբ, որ անցնում է մարդկային կարեկցութեան սահմանը, յաւիտենականութեամբ սքսղուած, երկրային շա-

րութեան մակերևոյթից վեր բարձրացած և ամբողջ աշխարհի մեծ վշտովը համակուած։

—Դու ճշմարիտ ես, դողդոջիւն շրժումքով շնչաց Անտէան։

Հէնց այդ վայրկենին թափօրը հաւասարուեց նրա պատգարակին և մինչև իսկ մի րոպէ կանգ առաւ, որովհետև զինուորներն ուժով էին իրանց համար ճանապարհ բաց անում։ Անտէան տեսաւ նազովրեցուն մօտիկից. թէ ինչպէս հովը խաղում է նրա գէսերի հետ, տեսաւ այն կարմիր արտափայլութիւնը, որ ծիրանի վերարկուից ընկնում էր նրա գժգոյն, թափանցիկ երեսին։ Դէպի նա գրո՞ն տուող ամբոխը նեղ շրջանակի մէջ փակեց զինուորներին, և նրանք պարտաւորուած էին իրանց նիդակներով պաշտպանել դատապարտուածին ժողովրդեան կատաղութիւնից։

Ամենուրեք տեսնուում էին տարածուած ձեռներ, սեղմուած բռունցքներով. աչքեր, որ քիչ էր մնում դուրս թափուէին իրանց բներից. փայլող ատամներ, խառնուած մորուներ, փրփրած շրթունքներ, որոնք անէծք էին վիժում։ Բայց նա՝ այդ սրբազն նահատակը կարծես ասում էր. «Ի՞նչ եմ արել ձեզ», և աչքերը դէպի երկինք ամբանալով՝ աղօթում էր։

—Անտէա, Անտէա, կանչեց ծիննան։

Բայց Անտէան չէր լսում նրա ձայնը. աչքերիցը թափում էին արտասուքի խոշոր կաթիլներ։

Նա մոռացել էր իւր հիւանդութիւնը, մոռացել էր, որ ահա քանի օր է արդէն պատգարակից չէ բարձրացել, այժմ նա բարձրացել էր, դողդոջիւն, գրեթէ խելակորոյս՝ ցափից, կարեկցութիւնից, զայրովթից անմիտ ամբոխի դէմ. սկսեց իւր պատգարակը զարդարող ծաղիկները պոկոտել և թափել նազովրեցու ոտքի տակ։

Մի րոպէ լուութիւն տիրեց։ Ամբոխը զարմացել էր, տեսներով այդ ազնուոհի հոռվմայեցուն յարգանք տալիս դատապարտեալին, որը հայեացը նրա դժգոյն, հիւանդու երեսին գցեց, և շրթունքները շարժուեցին, կարծես օրնուում էր նրան։ Անտէան կրկին պատգարակի բարձերի վրայ ընկաւ։ Նա պարզապէս զգում էր, որ իւր վրայ լոյսի, բարութեան, ողորմածութեան, յոյսի և երջանկութեան հեղեղ է թափում։ Եւ կրկին շնչաց։

—Դու ճշմարիտ ես, դու Արդար ես։

Եւ Անտէալի աչքերը լցուեցան արտասուքով։ Բայց պատժապարտին առաջ տարին այնտեղ, ուր ժայռերի ճեղքի մէջ ամրացրած էին երեք սիւն, որոնք խաչերի համար հիմքեր պիտի լինէին։ Նորից ամբոխը ծածկեց նրան։ Բայց պատժավայրը տեղի ընդհանուր մակերևոյթից բարձր էր, այնպէս որ Անտէան քիչ յետոյ նորից տեսաւ նրա զունատ դէմքը և փշեայ պսակը։ Լեզիսնարները մի անգամ էլ բործի դրին իրանց նիզակները քշելու համար ամբոխին, որ խանգարում էր պատիմն իրագործել։

Նրանք սկսեցին երկու աւազակներին կապել կողքի խաչերի վրայ։ Երրորդ խաչը կանգնած էր մէջ տեղը, և նրա վերեից կպցրած էր մի սպիտակ տախտակ, որը տատանում էր գօրացող քամին։ Երբ զինորները մօտենալով նազովրեցուն՝ սկսեցին նրա ըղգեստը հանել, ամբոխն աղաղակեց։ «Թագաւոր հրէից։ Մի թողնիր, թագաւոր... Ուր են քո գընդերը... Պաշտպանիր քեզ։ Ժամանակ առ ժամանակ պայթում էր ծիծաղ. թւում էր, թէ ամբողջ ապառաժոտ հրապարակը բռնուած է մի երկարատև սաստիկ ծիծաղով։ Պատժապարտին պառկեցրին գետնի վրայ, որ նրա ձեռները խաչին գամեն ե ապա խաչի հետ ի միասին բարձրացնեն զլխաւոր սիւնի վրայ։

Այդ միջոցին պատզարակից ոչ հեռի կանգնած մի մարդ՝ սպիտակ թիկնոցը հազին, զլխին մոխիր էր ցանում և յուսահատ ձայնով գոչում։

— Ես բորոտ էի և նա ինձ բժշկեց. և այդ նըրան են այժմ խաչում։

Անտէան գունատուեց։

— Նա բժշկել է դրան... լսում ես, Կայոս, հարցրեց նա։

— Կարելի է ուզում ես տոմն վերադառնալ, պատասխանեց Ցիննան։

— Ո՞չ, ես կմնամ։

Ցիննան համակուեց մի վայրենի, անսահման ստրջանքով, թէ ինչու զլխի չէ ընկել ու տուն չէ

հրաւիրել նազովրեցուն՝ Անտէային բժշկելու։

Բայց այդ միջոցին զինուորները նազովրեցու ձեռներին զնելով բենեները՝ մուրճով զարնել սկսեցին։ Լսում էր երկաժը երկաթին կպչելու խուլ ձայնը, որ փոխարկուեց պարզ ձայնի, երբ բեների սայրն անցնելով մոխց՝ սկսաւ փայտի մէջ խրուլի։ Ամբովար լոեց. և լոեց միայն նրա համար, որ հըրճուի այն հեծեծանքով, որ տանջանքները նազովրեցու շրթունքից պէտք է քաղէին։ Բայց նա լուռ մնաց. և լսում էին միայն մուրճի չարագուշակ և սոսկալի հարուածները։

Վերջապէս աշխատանքը վերջացաւ և պատժուղի մարմինը վեր բարձրացուեցաւ. Հռովմէական հարիւրապետը երգող ձայնով վերջին պատուէրներն էր տալիս. և զինուորներից մէկն սկսեց սիւնին գամել նազովրեցու ոտները։

Ամպերը, որ առաւօտից երկինք էին հաւաքուել, այժմ բոլորովին ծածկեցին արեգակը. Հեռաւոր բուրփներն ու ժայռերն, ոլոնք մինչ այդ լուսաւորուած էին զերմ ճառապայթներով, յանկարծ մթափնեցին. լոյսը խաւարեց։ Զարագուշակ, պղընձակարմիր խաւարը պատեց բոլոր շրջակայքը, և թանձրանում էր այնքան, որքան արել թագնուում էր ամպերի ետևում։ Թւում էր թէ մէկը երկրի վըրայ ճնշող խաւար էր թափում։ Այրող քամին, որ փշում էր մէջ ընդ մէջ, յանկարծ լոեց. օդը անտանելի հեղձուցիչ դարձաւ։

Յանկարծ այդ կարմրաւուն շողերն էլ մթնեցին, գիշերուան պէս դաժան ամպերն սկսան դէպի ժողովուրդն ու բարձրաւանդակը շարժուիլ: Մերձենում էր սաստիկ փոթորիկ... Ամեն ինչ վրդովմունք էր չնշում:

— Յետ գնանք տուն, ասաց Ցիննան:

— Ո՞չ, ես ուզում եմ մէկ էլ նայել նրան, պատասխանեց Անտէան:

Խաւարը պատել էր խաչերի վրայից կախուած մարմինները, և Ցիննան հրամայեց իւր ամուսնու պատղարակը պատժավայրին մօտ տանել: Անտէան բարձրացրեց աչքերը: Ճրջապատող խաւարի մէջ մութ փայտի վրայ Խաչեալի մարմինը թւում էր նրան՝ որպէս թէ լուսնի ճառագայթներից է հիւսուած: Նրա կուրծքը բարձրանում էր ծանր չնշառութիւնից, բայց գլուխն ու աչքերը դեռ էլլի դէպի երկինք էին դարձած:

Ամպերի խորքից յանկարծ լսուեց մի խուլ ձայն, և որոտը խլացուցիչ ճարճատիւնով սահեց արևելքից արեմուտը և յետոյ՝ կարծես մի անյատակ անդունդ գլորուելով, հարուածեց այնպէս ուժգին, որ երկիրը հիմքիցը դպրդաց:

Նոյն միջոցին մի ահագին կայծակ պատառեց ամպերը և լուսաւորեց երկինքը, երկիրը, խաչերը, զինուրների զէնքերը և ոչխարների հօտի պէս մի տեղ խռնուած շփոթուած ամբոխը:

Այդ անսովոր լոյսից յետոյ թագաւորեց էլ ա-

ւելի խոր խաւար: Պատգարակից ոչ հեռու լսում էին կանանց հառաչանքներ, և այդ հառաչանքներում տիրող լռութեան մէջ մի սոսկալի զարմացուցիչ բան կար: Նրանք, որ միասին էին եկել ու խաւանուել ամբոխի մէջ, սկսեցին միմեանց կանչել: Ամեն կողմից լսում էին շփոթուած ձայններ.

— Վաշ, անմեղ մարդուն խաչեցին:

— Նա ճշմարտութիւն էր բարոզում, վայ:

— Նա մեռեներին յարութիւն էր տալիս: Մէկը յանկարծ բացականչեց.

— Վայ քեզ, Երուսաղէմ:

— Մինչև անզամ երկիրը շարժուեց, աւելացրեց մի այլ ձայն:

— Ամպերի խորքից դուրս ժայթքեց մի նոր հեղեղ կայծակների, նման ահագին կրակէ կերպարանքների բազմութեան: Փողովութեան ձայները լըռեցին, ճիշտն ասած կորան մրրկի սուլոցի մէջ, որ շսուած կատաղութեամբ բարձրացաւ, սկսեց մարդկանց հանդերձները պոկել ու դաշտի վրայ ցրուել:

— Երկիրը զոլո՛ւմ է, կրկին լսուեց ամբոխի մէջ:

Ոմանք սկսան փախչել, միւսներին երկիրը մեխել էր գետնին, և նրանք կանգնած էին փայտացած, առանց խելքի, մի մութ գիտակցութեամբ, թէ մի սոսկալի գործ է կատարուել:

Վերջապէս խաւարն սկսաւ պարզուել: Մրրիկը քշում էր ամպերը, տարածում և հիւսում և պատըռտում նորից, որպէս փթած ձորձեր:

Հուտով ամպերի մուլթ վարագոյրը ճեղուեց և
այդ բացուածքից արեի ճառագայթների հեղեղ թա-
փուեց երկրի վրայ։ Ամեն ինչ պարզուեց. բլուրն
էլ, խաչերն էլ, մարդկանց զարհուրած երեսներն էլ։

Նազովրեցու դժգոյն՝ իբր մոմեղէն գլուխը խո-
նարհուեց կրծքի վրայ. աչքերը բաց և շրթունքնե-
րը կապտել էին։

—Մեռաւ, շշնջաց Անտէան։

—Մեռաւ, կրկնեց Ցիննան նրանից յիտոյ։

Այդ բոպէին հարիւրապետը նիզակով ծակեց
մեռեալի կողը։ Զարմանալի՛ բան. կարծես թէ ա-
րեի և այդ մահուան տեսքը հանգստացրին ամբո-
խին։ Այժմ դա աւելի մօտեցաւ պատժի տեղին.
զինուորներն այլ ևս չէին հեռացնում նրանց։ Հըն-
չեցին ձայներ.

—Վայր իջիր խաչիցը, վայր իջիր խաչիցը։

Անտէան մի անգամ ևս նայեց այդ դժգոյն և
խոնարհուած պլիխն և ասաց հանգարտ ձայնով։

—Միթէ նա յարութիւն կառնէ։

Նա տեսաւ, թէ ինչպէս մահը կապոյտ կնիքներ
է դրօշմել նրա աչքերին և շրթունքին. տեսաւ ան-
բնական կերպով ձգուած բազուկները, այդ անշարժ
մարմինը, որ բոլորովին վայր էր բաշուել, բայց և
այնպէս նրա ձայնը հնչում էր յուսահատական կաս-
կածով։

Փոքր կասկած չէր տանջում և Ցիննայի հոգին։
Նա նոյնպէս չէր հաւատում, թէ նազովրեցին յա-

բութիւն կառնէ։ Բայց դրա փոխարէն հաւատում
էր, որ եթէ նա կենդանի լինէր, ապա միայն նա
կարող էր իւր բարի կամ շար գորութեամբ բըժշ
կել Անտէային։

Իսկ ամբոխը խաչի մօտ քանի գնում՝ աւելա-
նում էր և ծաղրական ձայները գոշում էին։

—Վայր իջիր խաչիցը, վայր իջիր խաչիցը։

—Վայր իջիր, յուսահատութեամբ, իւր հոգու
խորքում կրկնեց Ցիննան. բժշկիր նրան և առ իմ
հոգին։

Երկինքը պարզուեց։ Լեռները դեռ մառախու-
ղով էին պատած, բայց Գողգոթայի և բաղաքի վը-
րայ մի կտոր ամպ էլ չկար։ Անտօնիոսի աշտարա-
կը շլացուցիչ փայլում էր արեի տակ, որպէս մի
երկրորդ արեզակ։ Թարմացած օդի մէջ սաւառնում
էին հարիւրաւոր ծիծեռնակներ։ Ցիննան տուն վե-
րազառնալու նշան տուաւ։

Միջօրէն վազուց անցել էր. մօտենալով տանը,
Անտէան ասաց։

—Ճեկատն այսօր չեկաւ։

Ցիննան էլ այդ էր մտածում։



թ.



եսիլը հետևեալ օրն էլ չե-
րեցաւ։ Հիւանդն անսովոր
կերպով աշխոյժ էր, որովհետեւ Կե-
սարիայից եկել էր հայրը, որ շատ
անհանգիստ էր իւր դստեր առող-
ջութեան մասին. վախեցած Յիննայի
նամակներից՝ նա շուտափոյթ թողեց
Ալէքսանդրիան, որպէս զի իւր սիրելի և միակ Անտէա-
յին մահուանից առաջ մի անգամ ևս տեսնի։ Յոյսը նո-
րից ուզում էր Յիննայի սիրտը մտնել. բայց Յիննան
չէր համարձակում դռներ բաց անել այդ հիւրի առջև ու
չէր վստահանում յուսալ։ Անտէային սպանող տե-
սիլների մէջ առաջ էլ դադարներ էին եղել. բայց

այդ թեթևութիւնը Յիննան վերագրում էր Տիմոնի
դալստեան և պատժավայրից ստացած տպաւորու-
թեանը։ Այդ տպաւորութիւնն այնքան էր տիրել
հրանդի հոգուն, որ իւր հօր հետ էլ ոչ մի ուրիշ
բանի մասին խօսել շէր կարողանում Տիմոնը լը-
սում էր կենտրոնացած, խորհում էր և ապա ու-
շագրութեամբ հարց ու փորձ էր անում Նազովրե-
ցու վարդապետութեան մասին, որի վերաբերմամբ Անտէան գիտէր միայն այն, ինչ որ պրոկուրատորն
էր հաղորդել։

Ինչ և իցէ այժմ ընդհանրապէս Անտէան իրան
աւելի առողջ և աւելի ուժեղ էր զգում, իսկ երբ
միջօրէն յաջողութեամբ անցաւ, ապա նրա աշքե-
րում փայլեց յուսոյ ճառագայթը։ Նա այդ օրը եր-
ջանիկ համարեց և խնդրեց ամուսնուն արձանա-
գրել այդ։

Բայց իսկապէս օրը մւայլ էր և տխուր։ Ցածր
միատեսակ ամպերից ամբողջ ժամանակ անձրեւ էր
զալիս, ոկզրում յորդ, յետոյ մանր, ցուրտ և թա-
փանցող։ Երկինքը միայն երեկոյեան պարզուեց և
արելի ահազին գոնդը ծիրանի և ոսկէ գոյներով
ներկեց ամպերը, անապատի գորշ քարերը, բաղա-
րից գուրս գտնուող այգեստանների գարբասների
սպիտակ մարմարինը և իշաւ հեռաւոր Միջերկրա-
կան ծովը։

Դրա փոխարէն եղանակը հետեւեալ օրը հրա-
շալի էր։ Երեսում էր, թէ տօթ պէտք է լինի, բայց

առաւօտը թարմ էր, երկինքն առանց ամպի կտորի և երկիրը ողսղուած երկնքի կապուտակութեան փայլով, այնպէս որ բոլոր առարկաները կապոյտ էին թւում: Անտէան պատուիրեց իրան փիստայի ծառի տակը տանել, որպէս զի բլրակից, ուր բարձրացած էր այդ ծառը, հրճուի գուարթ ու կապոյտ հեռաւորութեան տեսարանով: Ցիննան ու Տիմոնը մի քայլ անգամ չէին հեռանում պատգարակից, հետեւելով հիւանդի գէմքի ամենափոքր փոփոխութեանը, այդ գէմքի վրայ նկատում էր մի անհանգիստ սպասողութիւն, բայց հետքն էլ չկար այն մահացու սարսափի, որ սովորաբար բռնում էր նրան միջօրէի մերձենալուց առաջ: Այժմ նրա աշրերը աւելի պարզ էին փայլում և այտերը ներկուել էին թեթև կարմրութեամբ: Այժմ Ցիննան էլ մէկ մէկ իրան թոյլ էր տալիս մտածել, թէ Անտէան կարող է առողջանալ, և այդ մտածելիս նա ուղում էր գետնին ընկնել, ազատութիւն տալ իւր ուրախութեան արտասուճներին և օրհնաբանել աստուածներին, բայց յետոյ սիրտը կրկին ճնշւում էր, երբ մտածում էր, թէ այդ թերես հանգչող լամպարի վերջին առկայծումն է: Ցանկանալով ամրապնդել իւր լոյսը, նա երբեմնապէս նայում էր Տիմոնին, բայց նրան էլ երեխ նոյն մտքերն էին զբաղեցնում, որովհետեւ աշխատում էր Ցիննայի հայեացքից խուսափել: Երեքից ոչ մինը մի խօսք անգամ չէր տսում. թէ միջօրէն մօտենում է: Բայց Ցիննան, որ զիտում էր կնոջ

ստուերը, բարախող սրտով նկատեց, որ այդ ստուերը հետզհետէ կարձանում է:

Բոլորը նստած էին կարծես խորասուզուած մտքերի մէջ: Թերես ամենաքիչ անհանգիստը ինըը Անտէան էր: Պառկած բաց պատգարակի մէջ, ծիրանի բարձի վրայ, նա հաճոյրով ներշնչում էր թարմ օգը, որ մեզմ հողմը բերում էր, արևմուտրից, ծովի կողմից: Բայց միջօրէին մօտ այդ հողմիկն էլ գտալարեց: Ճողն անտանելի էր դառնում: Նարդոսի՝ արեի տակ զերմացած թփերն սկսան մի ծանր բուրմունիր արձակել: Ծաղկանց թփերի վրայ թռչոտում էին խայտաճամուկ թիթեռնիկները: Փոքրիկ մողէմները՝ սովոր այդ պատգարակին էլ, այդ մարդկանցն էլ, աներկիւղ դուրս էին սողում ճեղքերից, թէ մի րոպէ էլ չէին կորցնում իրանց զգուշաւորութիւնը: Ամբողջ աշխարհը գաղար էր առնում ու հանգուտանում էր լոյսի և զերմութեան ազգեցութեան տակ, կապուտակ երկնքի անամպ տանիրի տակ:

Տիմոնն ու Ցիննան ըստ երկոյթին նոյնպէս խորասուզուել էին անմինայ թափուած հանգստութեան մէջ: Հիւանդը վակել էր աշրերը. կարծես նրան թմրեցրել էր մի թեթև նինջ, և ոչինչ չէր խանգարում լուռթիւնը, բացի այն ծանր հառաշանքից, որ մերթ ընդ մերթ դուրս էր թռչում հիւանդի կրծքից:

Իւկ այդ ժամանակ Ցիննան նկատեց, որ իւր

ստուերը կորցրել է երկարութիւնը և ուղղաձիգ կերպով ընկնում է իւր ստների մօտ:

Կէսօր էր:

Յանկարծ Անտէան բաց արաւ աշքերը և խոսեց մի օտարոտի ձայնով.

Կայսո, ձեռքդ ինձ տուր:

Կայոսը վեր ցատկեց. նրա բոլոր արիւնը սառաւ. մերձենում էր սոսկալի տեսիների բովէն:

— Նայիր, շարունակեղ Անտէան. Ենչ լոյս է հաւաքւում այնտեղ՝ օդի մէջ, ինչպէս նա գոզում է, թափւում է և գէպի ինձ է գալիս . . .

— Անտէան, այն կողմը մի նայիր, գոչեց Ցիննան:

Բայց, — ո՞հ հրաշք. — Անտէայի երեսին սարսափի արտայայտութիւնը չկար: Նրա շքթունքները բացուել էին, աշքերը աւելի լայն էին նայում և մի անհուն ուրախութիւն լուսաւորում էր նրա գէմրը:

— Լոյսի սիւնի ինձ է մօտենում, խօսում էր հիւանդիք: — Ես տեսնում եմ: Այդ նա է: Այդ նազովքեցին է... նա ժպտում է... Ո՞հ, ինչպէս հեզ է... Ողորմած... նա գէպի ինձ է մեկնում իւր ծակոտած ձեռները՝ ինչպէս մայր... Կայս. նա ինձ համար առողջութիւն, փրկութիւն է բերում և ինձ իւր մօտն է կանչում...

Ցիննան սարսափելի կերպով գունատուեց:

Եթէ նա կանչում է, ապա ուրեմն հետեւենք նրան, պատասխանեց Ցիննան:

Մի ժամից յետոյ հակառակ կողմից գէպի քաղաքը տանող քարքարոտ կածանի վրայ երեաց Պոնտացի Գիգատոսը. Դեռ նրա մօտենալուց առաջ երեսիցը կարելի էր գուշակել. թէ նորութիւն է բերում, որ՝ իրեն խոնեմ մարդ, համարում է թեթեամիտ և խաւար ամրոխի կողմից հնարուած նոր առասպեկ: Եւ յիրաւի գեռ հեռուից նա սկսաւ գոչել, սրբելով քրտնած ճակատը.

— Երեակայեցէր, մարդիկ ասում են, թէ նայարութիւն է առել:

